

癰

疽

秘

灸

經

# 癰疽神祕灸經序

人具五臟之形而氣血之運必有以踈載之  
其流則曰歷曰循曰經曰至曰抵其交際則  
曰會曰過曰行曰達者槩又所謂十二經焉  
十二經左右手足各備陰陽者三陰右而陽  
左也陽順施而陰逆施以三陽言之則太陽

少陽陽明、則陽有大小也矣、而有陽明者、取陰陽合明之意也、以三陰言之、則太陰少陰厥陰、陰既有太少矣、又有厥陰者、取兩陰交會之義也、非徒經之有十二、又有系絡者、爲系絡之數、三百六十五所、曰附經而行、週流不息、若陰陽維蹻衝帶六脉、皆有所繫、惟任

督二經則包乎腹背而有專穴諸經滿而溢者則受之初不可常而忽焉宜與諸經並論通考其穴三百五十又七此人身之常遍也  
經血所滯發而爲癰疽爲疔瘡此皆氣血不能通之謂也歷觀諸經傳變不一是經之滯當審何經所發何穴所滯辨視其穴測用

火以攻之<sub>テ</sub>疎其源流<sub>シテ</sub>而無滯也<sub>ル</sub>猶如溝渠塞  
其庭水泛濫<sub>スル</sub>今胡元慶先生深窮<sub>シテ</sub>妙理<sub>ヲ</sub>週<sub>ニ</sub>遍  
玄微<sub>ヲ</sub>遂緝<sub>ム</sub>十二經所滯之穴<sub>ヲ</sub>毫端妙理用<sub>テ</sub>以<sub>テ</sub>  
廣<sub>シ</sub>生民之福<sub>ヲ</sub>同躋<sub>ス</sub>仁壽之域也

至正甲子永昌楊子成序

癰疽神祕灸經序

人身之氣血、晝、行、陽、二十、五、  
度、夜、行、陰、一、十、五、度、如、環、無、  
端、膏、於、寸、只、是、為、真、息、滯、公、壅、  
腫、或、六、淫、七、情、飲、食、起、居、一、所、傷、  
則、癰、疽、疔、腫、之、症、發、焉、治、者、察、

其受症之經灸其應症之穴使  
氣血流暢隧道踈通其功為捷  
或灸而毒不解欲其潰歛然後  
投之以湯藥而輔其不逮尤當  
審各經氣血多少地部遠近稟  
賦虛實而用之輒用攻劫之劑

未<sub>レ</sub>及患<sub>一</sub>所<sub>二</sub>而腸胃先<sub>一</sub>傷<sub>二</sub>反有<sub>一</sub>所  
得<sub>レ</sub>故上<sub>一</sub>古之治<sub>レ</sub>疾針灸為<sub>レ</sub>尚<sub>二</sub>而  
湯藥次<sub>レ</sub>之<sub>一</sub>前元鶴溪胡先生著<sub>ス</sub>  
神祕灸經我朝節菴陶先生集<sub>ム</sub>  
神祕驗方探<sub>レ</sub>玄<sub>二</sub>發<sub>ス</sub>微<sub>二</sub>灸藥之功<sub>一</sub>  
具<sub>一</sub>載<sub>二</sub>先生之用<sub>一</sub>心<sub>二</sub>可<sub>レ</sub>謂<sub>一</sub>精<sub>二</sub>矣<sub>一</sub>



後之醫者必合是二書而後可  
取今功予嘗訪吾鄉貞菴都憲  
周公出是書示予曰子宜發明  
之以惠斯人噫公之心仁矣哉  
予因喜而嘆曰予家舊有是書  
亡失者幾年今復得之其斯人

之幸哉、但其穴其方有未詳、輒  
按針灸家書以圖其穴之所在、  
或一穴而可兼治者、亦明著之、  
至于各方之劑、辨其性之寒熱、  
溫涼、別其証之陰陽虛實、補其  
缺略、鋟梓以傳、俾後之君子酌

而用之庶乎前人幾微簡要之  
法傳於世而不泯云

嘉靖丁亥孟冬吉日南京太醫院院判

吳郡薛己謹識

癰疽神祕灸經

元鶴溪 胡元慶 著

吳郡 立齊薛已 校補

浪華 佐野古菴 謹副

國字 門生原泰菴 校正

手太陰肺經

肺之爲臟六葉兩耳四垂如蓋附着脊之第三椎中  
有二十四行分布諸臟清濁之氣爲主宰華蓋手太  
陰之脉起於中焦下絡大腸還循胃上膈肺間起發  
也經透也還復也循經也中焦者胃中脘臍上四寸

是也。憂思太過，則當胃發爲疽。內堅如石，外皮走動，不赤微腫，惡寒，惡心偏於右者，胃癰也；偏於左者，胃疽也。三毒之發，無有不先寒而後熱，引臍走疼，欲吐不吐，甚則咳嗽膿痰，脉浮大面赤者，不治。治法當灸曲池二穴，七壯毒左灸右，毒右灸左，遂愈。

愚按針灸經云：曲池二穴在肘外輔骨曲肘以手拱胸取之，紋盡處是穴。又治風刺癰疹或痒痛，或遍身疼痛，或皮膚頑疥如虫咬，搔之皮脫成瘡，隨患人年歲壯數灸之。上部疔腫發背癰疽，渾身瘡毒，小兒丹毒及癰瘰，四肢拘攣，或紅腫疼痛，歷節。

諸風尤效

肺疽一名肺癰其症之發蓋因心火太盛尅於肺金之故也得此疾者無不戰寒鼻塞咳嗽口臭咽乾胸悶氣短當急灸合谷七壯甚者吐痰如米粃者莫治尤當灸腎俞三七壯令益腎水水能尅火火靜而金自安也

愚按針灸經云合谷二穴在手大指岐骨間陷中又治鼻痔及不聞香臭牙齦久爛不愈及風熱癰疹手背紅腫作痛有殊效凡瘡毒久不合灸此穴各七壯至七七壯極驗更服托裡藥○腎俞二穴


在十四椎下兩旁各寸半與臍平

經圖  
見勝脫

肩癰在肩<sub>上</sub>按之至痛酸半體者是也甚者令人身熱惡寒當灸太淵穴二七壯便毒流通而自愈也

愚按發揮云太淵二穴在掌後橫紋陷中又治面上白疔肺癰咳嗽吐膿血或氣攻兩乳作痛及上牙疼臂癰治法太淵穴灸七壯

手大陰肺經圖





迎香  
疑行

手陽明太腸經

手陽明起於商陽二間三間合谷陽谿偏歷下廉三里上曲池肘髁迎香五里臂臑肩髃巨骨當天髀扶突禾膠終於迎香週流二十穴復流而已蓋此經氣血所滯發之爲疽爲癰爲腫爲毒隨症治之先疎其滯何患不痊

蜂窠疽生於左肩下一寸其疽之發先熱後寒皮赤四十九竅如蜂窠急灸二間二十七壯使毒氣無滯

愚按針灸經云二間一穴一名少谷在手太指次指本節後內側陷中


乳癰之發其症不一有發注於乳上曰乳氣乳左曰  
侵囊乳右曰乳疽乳下曰乳岩當乳頭所發曰乳毒  
俱當灸足三里并肩髃各七壯滯散而痊也

愚按發揮云肩髃一穴在肩端兩骨間陷中舉臂  
有空是穴○三里一穴在膝眼下三寸胫外廉兩  
筋間當舉足取之又治腰膝痠痛或癰腫疼痛凡  
寸俱用同身寸圖見後

顧疔之發發於當面顧上其色白其頭陷如鼻有黑  
氣者不治治法當灸偏歷二十七壯

愚按發揮云偏歷一穴在腕中後三寸

手陽明大腸經圖



足陽明胃經

足陽明經之流行從鼻交頰中旁約太陽之脉下循  
鼻外上入齒中還出挾口環唇下交承漿頰鼻之山  
根是也此經起於鼻兩傍迎香穴左右相交爲頰過  
睛明之下循鼻外歷承泣通於伏兔流於巨虛過流  
而注蓋其經之血氣所滯發症多矣法當分而治之  
髮疽之發發於當面入髮二分是○鬢疽之發於耳  
旁入鬢者是也○唇癰發於當唇是也○牙疳當牙  
根之所發於上者牙癰下者牙疽頂起牙者牙疔也  
或牙縫突肉所起者亦牙疔也治法灸神授二七壯

隨人大指上直去骨鐻處起用患人手一踮

愚考神授穴諸書皆無蓋祕法也

髮疽灸缺盆七壯

愚按針灸經云缺盆一穴一名天蓋在肩下橫骨

陷中如瘰癧患在此穴即於此穴灸之亦效

鬚疽灸伏兔七壯

愚按靈樞經云伏兔一穴在膝上六寸起肉正跪坐

而取之一云膝蓋上七寸

唇疽灸犢鼻七壯

愚案針灸經云犢鼻一穴在膝膑下髌骨上骨解

太筋中又治膝中痛不仁難跪起膝腫潰者不可治不潰者可療若堅硬且勿攻先以洗慰即微刺之愈

牙疳當灸足外踝骨尖上三壯


愚考諸書皆無此穴乃祕法也又治霍亂轉筋及卒然轉筋欲死者急灸足外踝尖各三壯如菜豆大若轉筋在股內灸內踝尖轉筋在外股灸外踝尖神驗針經云凡疽卒著五指筋急不得伸屈灸踝骨中尖數壯立瘥氣毒流注發於此經從缺盆骨起流注氣合復至天樞走注有九箇莫治治法

滯灸梁丘七壯

愚按發揮云梁丘二穴在膝上

二寸兩筋間

足陽明胃經圖



# 足大陰脾經

足太陰之脈起於足太指之端循指內側白肉際過  
窻骨後上內踝前廉覈骨今作孤拐骨是也流注冲  
陽之所行陰行陽二氣之所滯發而爲疽其發不一  
對證治之腸癰之發於右腸下長五寸許闊三寸微  
腫甚者戰寒小腹痛也當灸衝門二七壯左右同法  
愚按發揮云衝門二穴上去太橫五寸在府舍下  
橫骨端的中動脈

陰疽之發在足內股其形長其潤二寸許上而發下  
易治下而發上難治其色微赤痛甚曲膝不能伸



是也。道家商丘七壯。

愚按發揮云：商丘一穴，足內踝下微前陷中。

腹癰之發，發於臍下橫而腫微赤甚，痛牽引背，痛是也。當灸箕門七壯。

愚按發揮云：箕門一穴，在魚腹上越筋間陰股內，動脈應手是穴。

魚口疽一名橫痃，發於左者曰痃，發於右者曰魚口。橫腫爲便毒，當灸足大指端二壯。穴在指甲後二毛間。

愚按針灸經云：二毛間即太敦穴也。在足大指聚


毛中

鶴膝風在膝內股當膝腫疼甚者見青筋引心痛是也當灸二陰交七壯甚則二七壯待膝伸直爲住再甚則當膝項灸七壯○脚氣亦灸此穴

愚按針灸經二五三陰交一穴在內踝上三寸骨下陷中○膝項諸書無載蓋祕法也

穿骨疽在內踝骨中發腫內外甚痛不能行動者是也當灸隨患足大指端三壯穴見前

足六陰脾經圖



# 手少陰心經

手少陰之脉起於心中出屬心系下鬲絡小腸心系有二三則於肺相通而入肺兩太葉間一則由肺葉而下曲折向後並脊脊肺絡相連貫脊麓與腎相通正當七節之間蓋五臟系皆通於心而心通五臟系也手少陰經起於心循任脉之外屬心系下鬲當臍上二寸分絡小腸其支也蓋其經氣血所滯發症者六疎通之

喉癰之發正於咽喉之下赤腫連喉痛甚不能下飲者是也當灸少冲七壯

愚按針灸經云火冲二穴一名經始在小指內廉  
端去爪甲角如韭葉又治口舌患疔毒及舌腫大  
常治甚者更針舌青筋出血尤良

氣癰之發在於胸間乳上一寸赤腫痛甚引心者是  
也當灸靈道七壯

愚按發揮云靈道二穴在掌後一寸五分

癰疽之發正於臂上連肩青腫長而堅者是也當灸  
小海七壯

愚按針灸經云小海二穴在肘內太骨外去肘端  
五分陷中屈手向頭取之又治腋下瘰癧不問腫

潰並效臂疼不能伸及齒齲爛或齒寒腦風頭痛

尤效

腋疽亦灸少海穴七壯

穴見  
于前

穿骨疽之發正手掌後三寸許兩筋間大如鶴子堅如石按之至骨痛甚者是也當灸神門七壯

愚按針灸經云神門二穴一名兌衝在掌後兌骨

端中

兌疽亦灸神門穴七壯

穴見  
于前

喉風喉閉灸少商少冲二穴七壯

愚按針灸經云少商二穴在手大指端內側去爪

甲角如韭葉又云以三稜針刺微出血洩諸藏熱  
湊不宜灸常用此穴治前證及懸癰乳蛾喉毒喉  
風咽喉腫閉等症及頸領忽腫大喉中閉塞水粒  
不下針之立愈若有瘀血或膿作脹更須針患處  
其功甚速雖暴死氣未絕針之亦活

喉毒懸癰當灸心膈穴不拘壯數待寬即止

愚按發揮云心膈在背第五推

手少陰心經圖





手太陽小腸經

手太陽之脈起於手小指之端循手外側上腕出踝中臂骨盡處爲腕腕下兌骨爲踝本經起小指端順而行之其經氣血凝滯發而爲疽依圖治之

侵腦之發正於銳背穴中髮下一二云太陽中是也其証之發戰寒霍亂熱頭痛如斲雙目引痛是也當灸支正七壯甚則三七壯

愚按發揮云支正二穴在腕五寸

鳳眉之發正於面目之間發而長如生瓜樣者不治皮赤引腫兩目皆閉侵髮赤腫痛不可忍者是也當

灸陽谷七壯

愚按發揮云陽谷一穴在手外側腕中兌骨下陷中

黑疔之發在於耳中腫痛連腮赤腫者是也當灸後谿七壯

愚按發揮云後谿一穴在手小指外側本節後陷中

鼻疔之發在於鼻內痛而引腦門不能連氣鼻大如瓶黑者不治連牙不得開者亦不治法當灸腕骨七壯艾如菉豆大

愚按針灸經云腕骨二穴在手外側腕前起骨下  
陷中

項疽之發在於項中當脊不能回顧腫連兩耳者是  
也當灸天宗七壯艾如菉豆大

愚按針灸經云天宗二穴在乘風後大骨陷中  
肩風之發在於肩上青腫者是也甚者痛連胸脇當  
灸肩貞七壯


愚按針灸經云肩貞二穴在肩胛下兩骨解間肩  
陷後陷中

馬口瘡生鼻下腫痛大如馬口當灸掌後五寸半七

十壯火爆爲度

愚案掌後五寸半諸書皆無此名蓋祕法也

手太陽小腸經圖



足太陽膀胱經

足太陽之脉起於目內眥上額交顛上目大角爲內眥髮際前爲額腦上爲顛顛頂也足太陽起於目內眥通睛明傳攢竹遇神庭歷曲差五處承光通天針行左右相交於顛上之百會復流於督脉之交會也後流飛陽交會之際其經氣血凝滯而發爲癰有尤當隨證治之

玉枕之發在於枕後髮中腫起痛引鼻塞者是也當灸風門二十七壯艾如菉豆大

愚案針灸經云風門一穴一名執府在二椎下兩

旁各開寸半

發疽之生於當背脊外兩旁堅赤而腫在於膏肓穴相近者是也治法灸心膈七壯艾如菽豆大

愚按針灸經云心膈一穴在五椎下兩旁各寸半背疽之發其證有五一日發背二日氣發三日蓮子發四名荷葉搭五日脊發治之當視其色赤腫易治黑陷莫治須觀得症月令生身則生尅身則死假如春木青如疽黃不治夏令火疽及黑赤不治餘皆倣此如得疾急當騎竹馬法灸二十七壯委陽二十七壯便毒氣疎通而無滯也

愚案委陽穴在足脛中外廉兩筋間屈身取之治  
腸風痔漏尤效○騎竹馬所灸之穴乃心脉所過  
之地凡癰疽之疾皆心氣留滯故生此毒灸之則  
心脉即時流通如未成膿者即消雖成膿及潰者  
其毒頓減如穴得真誠有回生之功但患者多因  
取穴不便不肯用此法故常用隔蒜灸法亦效如  
癰疽發背疔腫惡瘡一二日至五六日不問痛否  
取大蒜切片如二錢厚置瘡頭上用艾壯於蒜上  
灸之三壯換蒜痛者灸至不痛不痛者灸至痛毒  
氣自然隨火而散若瘡頭多或腫大者即用大蒜

搗爛攤患處用艾鋪蒜上燒之甚者明灸如漫腫  
或未發出瘡頭不明者用紙一片浸濕隨覆患處  
視先乾處即是瘡頭大抵氣血壯實或毒少輕者  
可假藥力消散或腐潰怯弱之人熟毒中隔內外  
不通不行針灸藥無全功矣丹溪云火以暢達拔  
引營毒此從治之意即此法也騎竹馬法圖增附  
於後以便取用

搭手在右當灸會陽一七壯

愚按發揮云會陽一穴在尾膠兩旁

腎疽當灸合陽五壯




愚案發揮云合陽一穴在膝約文中央下三寸婦人血崩尤效

附陰疽當灸崑崙二七壯

愚按發揮云崑崙一穴在足外後跟骨上陷中治風疹風熱冷痺亦效

足太陽膀胱經圖




騎竹馬圖



取同身寸圖

先曲患人中指用短  
篾一根男左女右手  
量取橫紋盡處段為  
則子名同身寸



脫當  
作計

# 騎竹馬取穴法

將長篋一根男左女右於患人臂腕橫紋處名曲池穴自穴量至手中指相平截段爲則子先令病人脫衣以竹杠一條騎足兩人前後杠起足要離地兩傍更以一人扶定毋令動搖却以前大篋則于篋杠上從尾間起貼脊量至則子盡處以墨點記之却以同身寸則子就於墨記處兩邊各量一寸半盡處各以墨點之卽是灸穴左右各灸二十七壯

足少陰腎經

足少陰腎之經腎兩枚狀如石卵色黑紫當胛下兩  
旁入脊脊附脊之節十四推下與臍平其脉起於足  
小指之下斜趣足心又云足少陰起小指之下斜向  
足心之湧泉上循至咽喉其經血氣凝滯變症有三  
一曰心口疽二曰齒癰三曰赫癰隨症治之  
心口疽在當心兩乳之中者是也其疽發而先熱後寒赤腫  
引背痛甚宜灸陰谷三七壯艾如菉豆大

愚按針灸經云陰谷二穴在膝內輔骨後大筋下  
屈膝取之

齒癰之發在臍上五寸許其形長如鷲子令人寒戰

咬牙痛連兩脇宜灸築賓二十七壯

愚按針灸經云築賓二穴在內踝上腓分中


筋癰在當臍大如瓜突出紅甚如癰瘤宜灸陰谷七

壯築賓二十七壯

愚按發揮云陰谷二穴在膝內輔骨後太筋下小

筋上按之應手伸膝乃得之○築賓二穴見前

足小陰腎經圖



陰之  
陰之  
陰字  
當作  
陽字

手厥陰心包絡經

手厥陰心包絡經起於胸中出屬心包下膈歷絡於三焦上腕中腕臑下一寸爲下焦也傳之分也其支循臑出脇下腋傳於太陰少陰之間入肝傳遍此陽中之陰陰之陰也故厥陰之中存陽明之氣傳注三陰之所是經血氣凝滯發之爲毒有六治法當詳辨之

胸疽之發在於兩乳之中上二寸許發而頭痛心虛體倦其色赤腫痛引十指者是也當灸郛門二七壯艾如菉豆大



愚按針灸經云郄門二穴在手臂去腕五寸  
肘癰之發於肘尖之上不能舒伸令人肩背痛引者  
是也當灸間使二七壯

愚按發揮云間使二穴在掌後三寸兩筋間陷中  
又治癰瘤疥瘡頑癬及腋腫痛

蛇頭一疔發于中指甲當項紫黑色痛引心腹甚者  
令人口青色急當灸內關二七壯甚者三七壯

愚按發揮云內關二穴在掌後去腕二寸又治銳  
疽癰癰


魚肚之發於中指中節中者是令人戰寒痛甚徹骨

宣灸谷谷二七壯穴見解經

令疔一名虎口發於太指掌中些小黑色者是當灸

內關間使各二七壯二穴見龍

手厥陰心包絡經圖



手少陽三焦經

手少陽三焦之脉起於手小指次指之端上循手表腕出臂外兩骨之間上貫肘臂骨盡處爲腕臑盡處爲肘又云手少陽起於小指次指端關冲穴上出次指之間歷腋門循手表腕之陽池循至禾膠系竹咽喉之所復流不竭此經氣血之滯發而爲患有七當審治之

頰疔在肉頰骨尖高處是發時寒甚咬牙口不能開  
合治法當灸外關二七壯

愚按發揮云外關二穴在手腕後二寸陷中

魚腮之發於耳下平頤中是也發時連牙通裏痛甚灸四瀆三七壯

愚按針灸經云四瀆一穴在肘前五寸外廉陷中瘰之爲證發於耳前半寸其形如鷄子經年不痊膿水長出是也當灸天井三七壯

愚按發揮云天井一穴在肘外大骨後上一寸兩筋間陷中屈肘得之又云曲肘後一寸又手按膝頭取之兩筋骨罅常治五痔瘰癧亦效

肩疽發於肩上引背腫赤當灸會宗三七壯


愚按發揮云會宗一穴在臂腕後二寸空中一寸

膠疽發於肩下腋相連腫者是也灸會宗七壯前見  
滌癰之發在於臂內堅如鷲子按之痛徹骨惡寒是  
也當灸腋門二十七壯

愚按針灸經云腋門一穴在手小指次指間陷中  
石榴疽發在臂者宜灸天井穴各經有之先腫似碗  
後皮翻轉如榴法無可治惟菊華藥煎湯洗淨又用  
菊華燒灰入輕粉對和勻敷之未嘗試驗

愚按見破後久則翻如榴實最頑性隔蒜灸貼神  
異膏更服黃礬丸仙方活命飲有效

手少陽三焦經圖



足厥陰肝經

足厥陰之脉起於大指聚毛之上循足跗上廉去內踝一寸足大指甲後爲三毛三毛後橫文爲聚毛相去也足厥陰起於大指聚毛之大敦循足跗上廉行間大冲蠡溝陰中陰器章門食竇雲門百會過而流注蓋其經氣血凝滯外證之發有五內則有氣癖之發赤申肝氣之所滯並附灸法當審而治之

咬骨一疽發於裏股無形作痛蓋毒氣在骨中所發也當灸陰包三七壯

愚按針灸經云陰包一穴在膝上四寸股內廉兩



筋間

透腦一疽發於當鼻上如鷄子堅硬按之痛連心者  
是也宜灸膝關二七壯

愚按發揮云膝關二穴在犢鼻下一寸陷中

陰疽之生在於陰器之左連陰子一腫赤痛連小腹者  
是也宜灸中都二七壯

愚按發揮云中都二穴在內踝上七寸胫骨中腸  
澀下沫諸藥不應灸之即止頑疔或攻腹作痛更  
效

玄疽之生在於陰器之右連陰子一腫青痛連兩肋者

是也當灸<sub>二</sub>蠡溝<sub>二</sub>二十七壯

愚按針灸經云蠡溝二穴足踝上五寸

襠疽之生在於陰器之底連肛陰子腫赤痛連腰背

者是也當灸<sub>二</sub>陰交<sub>二</sub>二十七壯

穴見脾經圖

氣癰之生在腹皮裏膜外狀如覆杯者是也當灸章

門二十七壯

愚按針灸經云章門二穴一名長平一名腸膠在

大橫外直臍季肋端側臥屈上足伸下足舉臂取


之

坐馬癰在陰前後中間在右名下馬癰在左名上馬

癰在內，米頭者，名鵠口，能殺入，俱灸膝下，外廉橫骨盡處是穴。

愚考諸書皆無此穴，乃祕法也。

足厥陰肝經圖



難直水經

鐵研齋

足少陽膽經

足少陽胆之經一名膽在肝之短葉間兩葉之中也  
重三兩三朱包精汁三合足少陽之脉起於目銳眥  
內抵下耳後傳于瞳子膠循聽宮客主人上至頭角  
下懸鍾此經氣血所滯傳於肝絡循於二藏流注伏  
逆腫發有六當審而治之

馬力之發在耳後侵入髮際微腫堅硬如石甚者引  
頂痛也當灸劒巨二七壯在掌後二寸二分是穴  
愚按劒巨穴書所不載蓋祕法也

挾擊之發有五曰血癭肉癭筋癭氣癭石癭其發在

於耳後下連頂腫起今人頭痛之甚有偏頭痛者不  
治如此疾者當灸肘尖二十七壯

愚按諸書肘尖穴無載蓋祕法也又治腸癰已成  
膿即下未成膿即消或下瘀血孫真人云腸癰之  
症人多不識治之錯則殺人其證小腹腫而硬抑  
之則小便便如淋時或汗出而惡寒皮膚錯縱腹皮  
鼓急甚者轉側有水聲或臍生瘡或臍孔出膿或  
大便下膿血凡有此證宜速灸兩臂肘尖各一百  
壯如菜豆大則太便當大下膿血立愈觀孫真人  
云然愈知此法之妙又云治瘰癧連灸三次可除

病根治霍亂欲死諸藥不効者急灸兩肘尖百餘壯如菜豆大有迴生之功此法令患人端坐叉手平臂肘後突出尖骨是穴醫人在患人後灼艾屢用屢效

癰疽之發於項耳之間累累如貫珠者是也法當灸金門二壯掌後三寸半是穴

愚考金門穴諸書不載乃祕法也甚效肩尖亦效淵疽之發發於肋下久則一竅有聲如嬰兒啼者是也用膏藥或紙貼只不能作聲去紙仍鳴此之候也異哉難治嘔不能也當灸陽陵泉一七壯聲即止而

愈

愚按發傳云陽陵泉一穴在膝下一寸外廉陷中  
附骨疽發於大腿之側痛徹骨寒則痛甚皮膚不腫  
不赤當灸懸鐘七壯


愚按針灸經云懸鐘一穴一名絕骨在足踝上三  
寸動脈中

鶴膝風灸膝眼穴一七壯

愚按針灸經云膝眼一穴在膝頭骨下兩旁陷中  
此證屬三陰不足非灸及太陽風湯火龍膏決不  
愈



足少陽膽經圖



所云肘尖穴在臂內側小尖骨間前圖見外側腕骨  
 乃盡之悞也故復具此圖以使用者一穴以指申按  
 之若患處酸麻方是真穴

肘尖穴圖



百會直鼻上入髮際五寸半是穴灸七壯治龍泉疽


任脉圖



後頂直鼻上入髮際七寸是穴灸七壯治虎鬚毒

任脉起於中極之下以上至毛際循腹裏上關元至  
喉嚨屬陰脉之海爲督脉之源而二支督脉會陰而  
行背任脉會陰而行腹夫人身之有任督猶天地之  
有子午也人身之子午爲腹背天地之子午爲南北  
言可以分合也滯之則發虎鬚龍泉二玉毒治當隨詳

督脉圖



督脈起於下極之俞兩陰之間屏翳處也屏翳筋間  
爲篡篡內深處爲下極督脈之始也滯惟發於魚尾  
今人言對口疽是也當灸神關一七壯

愚考諸書無此穴蓋祕法也

六腑不和所生爲癰 五臟不調所生爲疽

陽滯於陰則生癰 陰滯於陽則生疽

看內癰疽訣法

癰疽生於外可見內者難治况隱於臟腑者宜乎詳  
審生於背脊俞穴生於腹內當看募穴

中府穴在乳上三肋間手太陰肺經募此穴處隱隱

痛而不已者肺中生癰疽也。穴痛處內覺微凸起者  
是也。咳嗽喉中醒臭吐痰黃色如米糲槐若抱壞鷄  
子臭或吐痰瘀血穢血。此內初起先以小青龍湯發  
散之。方在仲景書次以各藥。凡內癰疽俱在大便出  
膿血。惟肺癰從口出膿血。經云膿盡則愈。膿盡則死。  
常治潰後脈短瀉者生脈洪大者死其心膈之疽在氣分屬上焦宜瓜  
蒺飲子拔毒飲在肚腹屬中焦下焦氣血之分宜桃  
仁承氣湯薏苡仁湯治之。

巨關穴在心窩下蔽骨下一寸足陽明胃經之募在  
手厥陰心包絡地方起於胸中此處隱隱內痛心生

癰疽也痛處肉微凸起者是也

期門穴在乳下兩肋端足厥陰肝經之募穴處隱隱內痛肝生癰疽也痛處肉微凸起者是也

章門穴在季脇端足厥陰肝經之募穴內隱痛不已脾生癰疽也痛處微凸起者是也

中脘穴在臍上四寸足陽明胃經之募穴痛不已胃生癰疽也痛處肉微凸起者是也

京門穴在脇下季脇本足少陽胆經之募穴內痛不止痛處肉微凸起者腎生癰疽也

天樞穴在臍旁二寸足陽明胃經內痛不已太陽生



癰疽也痛處因微凸起者是也


丹田穴在臍下一寸足陽明胃經穴處內痛不已肉微凸起三焦生癰乃膀胱之毒也

關元穴在臍下三寸足陽明胃經穴內痛不已小腸生癰痛處肉微凸起者是也

凡心之下內癰疽腹皮皆甲錯內如刀刺腹急按之則濡小便如淋不調發熱無汗惡寒脈遲緊膿未成可下有血脈洪數膿已成身無熱腹無積按之濡爲癰

愚按內癰諸穴具圖于後以便考驗

九發圖



九發圖

九發圖

癰疽神祕灸經 終

神驗灸經跋

薛己氏所校選之書有二十四種  
者或有二十種者或又有十六種  
蓋此薛己之意而門生為類聚而  
成之邪抑出后世好事之採摘邪  
者竊於此之上神驗灸經者初薛

已校補而與神驗方併而鈇之而  
謂二十四種之中不採此書特撫  
神驗方其意何也此書有禪千兩  
金豈革他書之比哉然却脫此然  
則果出好交者之手而非薛氏家  
之意歟余讀其之暇嘗把此書校

正亥豕旁副國字而終贈之書賈  
且告以聚行之事因識其歲月於  
笑尾云

高保戊申冬至日

浪華後學古菴佐方教誌

享保十四載已酉孟夏穀旦

皇都書舖

河南四郎右衛門繡梓